

ხელშეკრულება საქონლის (თანმდევი მომსახურებით) სახელმწიფო შესყიდვის შესახებ
№60-7-221-165

ქ. თბილისი

16.03.2021 წ.

1. მხარეები

წინამდებარე ხელშეკრულება დადებულია 2021 წლის 16 მარტს, ერთი მხრივ სს „საქართველოს სახელმწიფო ელექტროსისტემა“-სა, წარმოდგენილი მისი მმართველთა საბჭოს წევრის დავით ვარდიავილის (მინდობილობა №200878077) სახით (შემდგომში – „შემსყიდველი“) და მეორეს მხრივ შპს „ორიენტ ლოჯიკ“-ს შორის, წარმოდგენილი მისი დირექტორის ვაჟა ნასყიდაშვილის სახით (შემდგომში – „მიმწოდებელი“), რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

- 2.1. „მიმწოდებელი“ ვალდებულია მიაწოდოს „შემსყიდველს“ პრივილეგიებული მომხმარებლების მონიტორინგისა და კონტროლის სისტემა (PAM) (თანმდევი მომსახურებით) (CPV-48700000;) წინამდებარე ხელშეკრულების, მისი დანართი №1-ის (ფასების ცხრილი), დანართი №2-ის (ტექნიკური დავალება) და დანართი №3-ის (უსაფრთხოების წესები და პირობები) შესაბამისად;
- 2.2. დანართი №1, დანართი №2 და დანართი №3-ი წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად.

3. საქონლის (თანმდევი მომსახურებით) ღირებულება და ანგარიშსწორების პირობები

- 3.1 საქონლის (თანმდევი მომსახურებით) საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს **188 786,05 (ას ოთხმოცდარვა ათას შვიდას ოთხმოცდაექვსი აშშ დოლარი და 05 ცენტი) აშშ დოლარს დღგ-ს ჩათვლით** (შემდგომში – „ხელშეკრულების ღირებულება“);
- 3.2 ანგარიშსწორება განხორციელდება III ეტაპად: ყოველწლიურად სამი წლის განმავლობაში. სახელშეკრულებო ღირებულება გაიყოფა სამ თანაბარ ტრანშად თითოეულ წელზე.:
- 3.2.1. I ეტაპი: ჯამური ღირებულების 1/3-ის ანგარიშსწორება განხორციელდება ხელშეკრულების გაფორმების შემდეგ მოწოდებულ საქონელზე მიღება-ჩაბარების აქტის გაფორმებისა და ანაზღაურებისათვის სათანადო დოკუმენტაციის (საგადასახადო ანგარიშ-ფაქტურის) წარმოდგენის შემდეგ არაუგვიანეს 8 (რვა) სამუშაო დღის განმავლობაში;
- 3.2.2. II ეტაპი: ჯამური ღირებულების 1/3-ის ანგარიშსწორება განხორციელდება მხარეებს შორის მიღება-ჩაბარების აქტის გაფორმებისა და I ეტაპის ღირებულების გადახდის 1 წლის თავზე, ანაზღაურებისათვის სათანადო დოკუმენტაციის წარმოდგენის შემდეგ არაუგვიანეს 8 (რვა) სამუშაო დღის განმავლობაში;
- 3.2.3. III ეტაპი: ჯამური ღირებულების 1/3-ის ანგარიშსწორება განხორციელდება მხარეებს შორის მიღება-ჩაბარების აქტის გაფორმებისა და I ეტაპის ღირებულების გადახდის 2 წლის თავზე, ანაზღაურებისათვის სათანადო დოკუმენტაციის წარმოდგენის შემდეგ არაუგვიანეს 8 (რვა) სამუშაო დღის განმავლობაში.
- 3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე (თანმდევი მომსახურებაზე) აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება.
- 3.4 წინასწარი ანგარიშსწორება (ავანსი) გამოყენებული იქნება სახელშეკრულებო ღირებულების არაუმეტეს 30%-ის ოდენობით;
- 3.5 შემსყიდველი მიმწოდებელს უხდის საავანსო თანხას (ხელშეკრულების ღირებულების არაუმეტეს 30%-ისა) მიმწოდებლის მხრიდან შესაბამისი ოდენობის უპირობო და გამოუთხოვადი საავანსო-საბანკო გარანტიის წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში. საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში;

- 3.6 მიმწოდებლის მიერ წარმოდგენილი უპირობო და გამოუთხოვადი საავანსო-საბანკო გარანტიის მოქმედების ვადა მინიმუმ 50 (ორმოცდაათი) კალენდარული დღით უნდა აღემატებოდეს საქონლის მიწოდების ვადას;
- 3.7 ავანსად გაცემული თანხა ჩაითვლება ეტაპობრივად, ფაქტიურად მიწოდებული საქონლის (თანმდევი მომსახურებით) პროპორციულად;
- 3.8 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე;
- 3.9 მიმწოდებლის მიერ უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს კანონმდებლობის შესაბამისად ლიცენზირებული დაწესებულებიდან შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედდასმული;
- 3.10 ანგარიშსწორება განხორციელდება ლარში, უნაღდო ანგარიშსწორების ფორმით, გადახდის დღეს საქართველოს ეროვნული ბანკის მიერ დაფიქსირებული ოფიციალური გაცვლითი კურსის მიხედვით აშშ დოლართან მიმართებაში.

4. საქონლის (თანმდევი მომსახურებით) მიწოდების ვადა და ადგილი

- 4.1 “მიმწოდებელი” ვალდებულია გადასცეს “შემსყიდველს” ნივთობრივი და უფლებრივი ნაკლისაგან თავისუფალი, ექსპლუატაციაში არ მყოფი (არ უნდა იყოს აღდგენილი და მეორადი) საქონელი (თანმდევი მომსახურებით) ხელშეკრულების გაფორმებიდან არაუმეტეს 45 (ორმცდახუთი) კალენდარული დღის განმავლობაში;
- 4.2 „მიმწოდებელი“ ვალდებულია საქონლის (თანმდევი მომსახურებით) მიწოდება უზრუნველყოს ტრანსპორტირების ხარჯების გათვალისწინებით, შემდეგ მისამართზე: ქ. თბილისი, სს "სსე"-ს სათაო ოფისი, ბარათაშვილის ქ. N2;
- 4.3 საქონლის (თანმდევი მომსახურებით) მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის (თანმდევი მომსახურებით) მიწოდება დაემთხვა არასამუშაო დღეს, მიმწოდებელმა მისი მიწოდება უნდა უზრუნველყოს მომდევნო სამუშაო დღეს;
- 4.4 საქონლის (თანმდევი მომსახურებით) მიწოდების ვადაში, ობიექტებზე დაშვების უფლების მისაღებად მიმწოდებელი ვალდებულია შემსყიდველს მიმართოს წერილობით. შემსყიდველი მიმწოდებლის ობიექტზე დაშვებას უზრუნველყოფს წერილობითი მოთხოვნის მიღებიდან არაუმეტეს 5 (ხუთი) სამუშაო დღის ვადაში შესაბამისი პროცედურების დაცვით;
- 4.5 მიმწოდებლის მივლინებულმა პერსონალმა საქონლის (თანმდევი მომსახურებით) მიწოდება უნდა უზრუნველყოს განწესით ან/და განკარგულებით, წინამდებარე ხელშეკრულების დანართი N3-ში განსაზღვრული უსაფრთხოების წესებისა და პირობების მკაცრი დაცვით.

5. მხარეთა უფლება-მოვალეობები

- 5.1 საქონლის (თანმდევი მომსახურებით) მიწოდება უნდა განხორციელდეს წინამდებარე ხელშეკრულების დანართი №1-ის (ფასების ცხრილი), დანართი №2-ის (ტექნიკური დავალება) და დანართი №3-ის (უსაფრთხოების წესები და პირობები) შესაბამისად;
- 5.2 “შემსყიდველი” ვალდებულია:
- 5.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის (თანმდევი მომსახურებით) ღირებულება;
 - 5.2.2 შეამოწმოს საქონლის (თანმდევი მომსახურებით) მდგომარეობა ვარგისიანობაზე;
 - 5.2.3 წერილობით შეატყობინოს “მიმწოდებელს” მიღების ან ექსპლუატაციის დროს საქონელზე (თანმდევი მომსახურებაზე) შემჩნეული ნაკლის აღმოჩენის თანახმად.

6. თანმდევი მომსახურება

- 6.1 „მიმწოდებლის“ მიერ საქონლის (თანმდევი მომსახურებით) მიწოდება უნდა განხორციელდეს წინამდებარე ხელშეკრულებისა და მისი დანართი N2-ის (ტექნიკური სპეციფიკაცია) შესაბამისად;
- 6.2 თანმდევი მომსახურება გულისხმობს მიმწოდებლის მიერ შემოთავაზებული პროდუქტის პირველად ინსტალაციას სს "საქართველოს სახელმწიფო ელექტროსისტემის" ინფრასტრუქტურაში.

7. ხელშეკრულების შესრულების კონტროლი

- 7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე;
- 7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;
- 7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებენ სს „საქართველოს სახელმწიფო ელექტროსისტემის“ საინფორმაციო სისტემების ადმინისტრირების სამსახურის უფროსი **გიორგი პერანძე**, ხელშეკრულების მე-4 მუხლის 4.4-4.5 პუნქტებზე კონტროლი დაევალოს სს „სსე“-ს ტექნიკური უსაფრთხოებისა და ისპექციის სამსახურის უფროსს **მერაბ კვირიკაშვილს**;
- 7.4 კონტროლი განხორციელდება მიწოდებული საქონლის (თანმდევი მომსახურებით) ხარისხისა და მიწოდების ვადების შესაბამისობით ხელშეკრულების პირობებთან.

8. შესყიდვის ობიექტის მიღება-ჩაბარების წესი

- 8.1 მიღება-ჩაბარების აქტი ფორმდება ფაქტიურად მოწოდებული საქონლის (თანმდევი მომსახურებით) მიხედვით;
- 8.2 შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირი არის მმართველთა საბჭოს შესაბამისი წევრი ან / და შესაბამისი დეპარტამენტის უფროსი;
- 8.3 საქონლის მოწოდებისას „შემსყიდველის“ მიერ წინამდებარე ხელშეკრულების მე-7 მუხლის 7.3 პუნქტით განსაზღვრული პირი ამოწმებს მოწოდებული საქონლის (თანმდევი მომსახურების) შესაბამისობას წინამდებარე ხელშეკრულების პირობებთან. ხარვეზების (წუნდების) არ არსებობის შემთხვევაში „შემსყიდველს“ და „მიმწოდებელს“ შორის ფორმდება მიღება-ჩაბარების აქტი ფაქტიურად მიღებული საქონლის (თანმდევი მომსახურების) მიხედვით;
- 8.4 საქონელი (თანმდევი მომსახურებით) მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

9. ხელშეკრულების შესრულების უზრუნველყოფის გარანტია

- 9.1 შემსყიდველის მხრიდან ხელშეკრულების შესრულების უზრუნველყოფის უპირობო და გამოუთხოვადი გარანტია (საბანკო გარანტია) (ხელშეკრულების ღირებულების 1%) რომელიც წარმოდგენილია მიმწოდებლის მიერ გამოყენებული იქნება შემდეგ შემთხვევებში, თუ:
- 9.1.1. მიმწოდებლის მხრიდან საქონლის (თანმდევი მომსახურებით) მოწოდების ვადა ირღვევა 30 (ოცდაათი) კალენდარულ დღეზე მეტი ხნის განმავლობაში;
- 9.1.2. მიმწოდებლის მიერ მოწოდებული საქონელი (თანმდევი მომსახურება) არ შეესაბამება წინამდებარე ხელშეკრულებით განსაზღვრულ მოთხოვნებს.
- 9.2 წინამდებარე ხელშეკრულების 9.1 პუნქტით გათვალისწინებულ შემთხვევებში „შემსყიდველი“ საბანკო გარანტიის საფუძველზე უპირობოდ და შეუქცევადად იღებს მთელ გარანტირებულ თანხას (ხელშეკრულების ღირებულების 1%);
- 9.3 შემსყიდველის მხრიდან ხელშეკრულების შესრულების უზრუნველყოფის გარანტიის (საბანკო გარანტიის) გამოყენება არ ათავისუფლებს მიმწოდებელს წინამდებარე ხელშეკრულების მე-10 მუხლით განსაზღვრული მხარეთა პასუხისმგებლობის ვალდებულებებისაგან.

10. მხარეთა პასუხისმგებლობა

- 10.1 „მიმწოდებლის“ მიზეზით ხელშეკრულების მე-4 მუხლის 4.5. პუნქტით განსაზღვრული პირობის ან/და საქონლის (თანმდევი მომსახურებით) დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის (თანმდევი მომსახურებით) ღირებულების 0,1%-ის ოდენობით, ყოველ ვადაგადაცილებულ დღეზე, მე-4 მუხლის 4.5. პუნქტით განსაზღვრული პირობის შესრულებამდე ან/და ხარისხიანი საქონლის (თანმდევი მომსახურებით) სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;
- 10.2 „შემსყიდველის“ მიერ ხელშეკრულებით გათვალისწინებული საქონლის (თანმდევი მომსახურებით) ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადაგადაცილებულ დღეზე, წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება;

10.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას;

10.4 „შემსყიდველი“ უფლებამოსილია ფაქტობრივად მიწოდებული საქონლის (თანმდევი მომსახურებით) ღირებულების ანაზღაურებისას გამოქვითოს (შემაციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 10.2 პუნქტით გათვალისწინებული პირგასამტეხლოს დარიცხვის საფუძველი.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. ურთიერთობა მხარეებს შორის

12.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიანდგება;

12.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

13. ხელშეკრულების პირობების შეცვლა და/ან ვადამდე მოშლა

13.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე;

13.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

13.3 ხელშეკრულება შეიძლება ვადამდე მოიშალოს:

13.3.1 მხარეთა შეთანხმებით;

- 13.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში, რომელიც არ უნდა აღემატებოდეს აღნიშნული დარღვევის აღმოჩენიდან 60 (სამოცი) კალენდარულ დღეს;
- 13.4 „შემსყიდველს“ შეუძლია ხელშეკრულება ვადამდე შეწყვიტოს:
- 13.4.1 თუ „შემსყიდველისათვის“ ცნობილი გახდება, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 13.4.2 „მიმწოდებლის“ გაკოტრების შემთხვევაში;
- 13.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.
- 13.4.4 საქართველოს კანონმდებლობით გათვალისწინებულ სხვა შემთხვევებში.
- 13.5 ამუხლის 13.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის (თანმდევრი მომსახურების) ღირებულება.

14. ხელშეკრულების შესრულების შეფერხება

- 14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;
- 14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. დავის განხილვა

- 15.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;
- 15.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

16. ხელშეკრულების მოქმედების ვადები

- 16.1 ხელშეკრულება ძალაში შედის მხარეთა მიერ ხელმოწერისთანავე;
- 16.2 ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2023 წლის 30 ივნისის ჩათვლით.

17. ხელშეკრულების სხვა პირობები

- 17.1 ხელშეკრულება შედგენილია ქართულ ენაზე;
- 17.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად;
- 17.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე;
- 17.4 მხარეების ურთიერთმოლაპარაკების საფუძველზე, შესაძლებელია მიმწოდებელმა წინამდებარე ხელშეკრულების საფუძველზე წარმოშობილი დებიტორული მოთხოვნები (რომლებიც წარმოიშობა მიმწოდებლის მიერ ხელშეკრულების საგნის შემსყიდველისათვის მიწოდების შემდეგ) გადასცეს საქართველოში რეგისტრირებულ კომერციულ ბანკს ფაქტორინგული მომსახურების ფარგლებში, რაც არ გულისხმობს მიმწოდებლის მიერ ნაკისრი ვალდებულებების სხვა პირისათვის გადაცემას.

18. კონფიდენციალურობა და გაუმჟღავნებლობა

მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

19. მხარეთა რეკვიზიტები

“შემსყიდველი”:

სს „საქართველოს სახელმწიფო ელექტროსისტემა“
მის: ქ. თბილისი, ბარათაშვილის ქ.№2
საიდ. კოდი: 204995176
ს/ს „თიბისი ბანკი“
ბანკის კოდი: TBCBGE 22
ანგარიშის №GE02TB0600000102467636

“მიმწოდებელი”:

შპს „ორიენტ ლოჯიკ“;
ქ. თბილისი, ვასო გომიაშვილის ქუჩა, N71
საიდ. კოდი: 202052054;
ტელ: +995 593 165 051
სს „ბაზის ბანკი“,
ბანკის კოდი: CBASGE22;
ანგარიშის № GE96 BS00 0000 0005 9368 72

მმართველთა საბჭოს წევრი
დავით ვარდიაშვილი

დირექტორი
ვაჟა ნასყიდაშვილი

ფასების ცხრილი:

N	შესყიდვის ობიექტი			განზ. ერთეული (წელი)	ერთი წლის ღირებულება დღგ-ს ჩათვლით (აშშ დოლარი)	ჯამური ღირებულება დღგ-ს ჩათვლით (აშშ დოლარი)
	დასახელება	რაოდ. (ცალი)	მწარმოებელი კომპანია			
1	პრივილეგიებული მომხმარებლების მონიტორინგისა და კონტროლის სისტემა (PAM) (თანმდევი მომსახურებით)	1	CyberArk	3	62 928,684	188 786,05
სულ ჯამი, დღგ-ს ჩათვლით: (აშშ დოლარი)					62 928,68	188 786,05

„შემსყიდველი“:

სს „საქართველოს სახელმწიფო ელექტროსისტემა“

მმართველთა საბჭოს წევრი
დავით ვარდიანაშვილი

„მიმწოდებელი“:

შპს „ორიენტ ლოჯიკ“;

დირექტორი
ვაჟა ნასყიდაშვილი

ტექნიკური დავალება

პრივილეგიებული მომხმარებლების მონიტორინგისა და კონტროლის სისტემა

1. სისტემის გამოყენების მიზანი

მოცემული სისტემის გამოყენების მიზანია ორგანიზაციაში არსებული რისკების შემცირება. პრივილეგიებული მომხმარებლების, რომლებიც აწარმოებენ IT ინფრასტრუქტურის სხვადასხვა ელემენტების მხარდაჭერას მათი კონტროლი და მონიტორინგი.

2. პრივილეგიებული მომხმარებლების, სამართავი ობიექტების რაოდენობა და მახასიათებლები

- ავტომატიზირებული ქცევის კონტროლის სისტემის სისტემური ადმინისტრატორების რაოდენობა: 11;
- ინფორმაციული რესურსების რაოდენობა, რომლებზეც მოხდება პრივილეგიებული მომხმარებლების წვდომის გაკონტროლება და სესიების ჩაწერა: 220;
- პაროლების და SSH გასაღებების ინფორმაციული რესურსების რაოდენობა: IT-ის ქსელში 27 პაროლი და 2 SSH გასაღები. SCADA-ს ქსელში 8 პაროლი და 50 SSH გასაღები;
- რაოდენობა დამკვეთის ინფორმაციული რესურსების, რომლებიც გამოყენებული იქნება პროექტში, იხ. ცხრილში (ცხრილი N1):

ცხრილი N1 - დამკვეთის პროექტში მონაწილე ინფორმაციული რესურსების სია:

სისტემის ტიპები	პლატფორმა	რაოდენობა
Windows სერვერები (SCADA)	Server 2016	70
Unix სერვერები (SCADA)	RedHat Linux 5.6,5.7,5.8, 6.5	10
Windows სერვერები (IT)	Different versions	67
Unix სერვერები (IT)	Linux different versions	55
Database	SQL different versions	9

3. პრივილეგიებული მომხმარებლების ქცევის კონტროლის სისტემის ტექნიკური მოთხოვნები

3.1. ზოგადი მოთხოვნები:

სისტემა წარმოადგენს პროგრამულ უზრუნველყოფას, რომელიც უნდა დაყენდეს ორგანიზაციაში არსებულ ვირტუალიზაციის გარემოში(VMware).

სისტემას აქვს შესაძლებლობა მომხმარებლების დამატებისა და მათთვის სხვადასხვა უფლებების (წვდომების) მინიჭების. სისტემის წვდომის შეზღუდვის მექანიზმი განხორციელებულია დისკრეციული მოდელით, ასევე აქვს საშუალება როლის მოდელებით უფლებების (წვდომის) მინიჭების. წვდომების შეზღუდვა შესაძლებელია ობიექტებზე: პაროლებზე, კონტროლირებული ანგარიშების (მომხმარებლების) ჩანაწერებზე, ლოგების ფაილებზე და სესიების ჩანაწერებზე. ასევე შესაძლებელია ივენთების ჟურნალზე წვდომის შეზღუდვა.

სისტემას აქვს საშუალება ზრდის, დამატებითი მოდულების დაყენებით, ასევე აქვს ფუნქციონალის გაზრდის და ცვლილებების შეტანის საშუალება.

სისტემა მარტივად მასშტაბირდება და იზრდება დამატებითი ლიცენზიის შეძენით.

3.2. სისტემის ფუნქციური მოთხოვნები:

N	მოთხოვნების აღწერა
1. ადმინისტრირებისთვის საჭირო პროტოკოლები	
1,1	ინფრასტრუქტურის ობიექტების ადმინისტრირება SSH პროტოკოლით

1,2	ინფრასტრუქტურის ობიექტების ადმინისტრირება RDP პროტოკოლით
1,3	ინფრასტრუქტურის ობიექტების ადმინისტრირება HTTP/HTTPS პროტოკოლით
1,4	სისტემას აქვს შესაძლებლობა სხვადასხვა ადმინისტრაციული ინტერფეისის ინტეგრაციის და ინფრასტრუქტურული ობიექტების უსაფრთხო ადმინისტრირების ნებისმიერი პროტოკოლით.
1,5	პრივილეგიებული ანგარიშების მართვის პროცესის ჩანაწერების ორგანიზება. პრივილეგიებული ანგარიშების მართვის პროცესის ჩანაწერები უზრუნველყოფს ახალი პაროლის გენერაციას პაროლების პოლიტიკის მოთხოვნების მიხედვით, პაროლების რეგულარულ ცვლას ყველა სამართავ ობიექტზე. შესაძლებელია პაროლის აღდგენა მისი არასანქცირებულად შეცვლის შემთხვევაში. დროულად აღმოჩენა ახალი ანგარიშების ჩანაწერების შესახებ და ინფორმირება უფლებამოსილი პირების (თანამშრომლების). ასევე სისტემების SSH გასაღებების მართვა.
1,6	პაროლების პოლიტიკის და პრივილეგიებული მომხმარებლების სესიის ჩაწერისთვის არ საჭიროებს აგენტის დაყენებას ობიექტებზე.
2. ადმინისტრირებადი ობიექტების მხარდაჭერის მოთხოვნები	
2,1	სერვერების ადმინისტრირება: UNIX (AIX, HP-UX, Solaris)
2,2	სერვერების ადმინისტრირება : Windows Server (2003, 2008,2012,2016,2019)
2,3	ვირტუალიზაციის სისტემების ადმინისტრირება : VMware (ყველა კომპონენტი) და Microsoft Hyper-V
2,4	Citrix-ის ტერმინალ სერვერების ადმინისტრირება
2,5	Oracle მონაცემთა ბაზის სერვერების ადმინისტრირება
2,6	MS SQL მონაცემთა ბაზის სერვერების ადმინისტრირება
2,7	ფაილსერვერების ადმინისტრირება (NAS)
2,8	ლოკალურ ქსელში არსებული კომპუტატორების ადმინისტრირება (წამყვანი მწარმოებლების)
2,9	ლოკალურ ქსელში არსებული მარშრუტიზატორების ადმინისტრირება (წამყვანი მწარმოებლების)
2,10	ე.წ. ფაერვოლების ადმინისტრირება (წამყვანი მწარმოებლების)
2,11	Windows (XP, 7, 8,10) ოპერაციულ სისტემათა ადმინისტრირება
3. არქიტექტურის, ინტეგრაციის და ექსპლუატაციისთვის საჭირო მოთხოვნები	
3,1	სისტემის დაყენება შესაძლებელია შემდეგ რეჟიმებში: პირდაპირი (inline) - სისტემა გამყოფია ქსელურ დონეზე მომხმარებელსა და ადმინისტრირებად ობიექტს შორის. გვერდითი (out of band) - სისტემა ყოფს მომხმარებელსა და ადმინისტრირებად ობიექტს ლოგიკურად. ასეთ შემთხვევაში არ არის საჭირო ქსელის ცვლილება. ორივე შემთხვევაში სისტემა უზრუნველყოფს სესიების ჩაწერას.
3,2	პრივილეგიებული მომხმარებლების ობიექტებთან წვდომა ხორციელდება ადმინისტრირების პორტალის საშუალებით, სადაც გადის აუთენტიფიკაციას. პორტალის დახმარებით პრივილეგიებულ მომხმარებელს შეუძლია სასურველი მართვადი ობიექტის არჩევა და მასთან დაკავშირება.
3,3	პრივილეგიებული მომხმარებლების ანგარიშების ჩანაწერები, ინფრასტრუქტურის ობიექტების ვიდეო არქივი, ინახება დაცულ, ცალკე გამოყოფილ სანახში.
3,4	სისტემას გააჩნია პაროლების შეცვლის პოლიტიკების შექმნის შესაძლებლობა, რომლის მიხედვითაც შეცვლის პრივილეგიებული მომხმარებლების პაროლებს სამართავ ობიექტებზე.
3,5	სისტემას გააჩნია გარემო სადაც მოხდება ადმინისტრირების ხელსაწყოების გაშვება და მოხდება პრივილეგიებული მომხმარებლების ქმედებების ჩაწერა.
3,6	სანახის უსაფრთხოება და მასზე წვდომები დაცულია როლური მოდელით. სონაცემები სანახში ინახება დაშიფრული სახით. სანახი დაცულია არასანქცირებული წვდომისგან.
3,7	აუდიტის აღრიცხვის ჟურნალის SIEM სისტემაში გაგზავნის შესაძლებლობა.
3,8	ინტეგრაცია მოთხოვნების სარეგისტრაციო სისტემებთან (ე.წ. ticketing system)
3,9	უსაფრთხოების სკანერებთან ინტეგრაცია. ანგარიშების ჩანაწერების შენახვა, რომლებიც გამოიყენება სკანირებისას სკანერის მიერ, დაცულ სანახში.

3,10	შესაძლებლობა აქტივ დირექტორიაში ობიექტების(მომხმარებლების) ავტომატურად ძებნის/აღმოჩენის და იმპორტის, მოცემულ ობიექტებზე(მომხმარებლებზე) ავტომატური პაროლის ცვლილების ფუნქციონალი.
3,11	პრივილეგიებული მომხმარებლის ობიექტებთან დაკავშირებისას გამოყენებული ხელსაწყოები ეშვება იზოლირებულ და უსაფრთხო გარემოში პრივილეგიებული მომხმარებლის სისტემისგან დამოუკიდებლად და ხდება მათი ვიდეოინფორმაციის სახით ჩაწერა.
3,12	პრივილეგიებული მომხმარებლის სესიასთან მხოლოდ ხედვის უფლებით დაკავშირება.
3,13	100 კონკურენტული სესიის ადმინისტრირების საშუალება.
3,14	სისტემას აქვს ერთი სამართავი კონსოლი, საიდანაც მოხდება ყველა ფუნქციონალის და მოდულის მართვა.
3,15	სისტემას აქვს შესაძლებლობა შეზღუდოს Linux/Unix ბრძანებები, ბრძანებათა შავი სიის შექმნის საშუალებით.
3,16	დაცულ საცავში შენახული პაროლით სესიის წამოწყება, მომხმარებლისთვის ჩვენების გაერშე.
3,17	პაროლის ცვლილების საშუალება ყოველი სესიის დასრულების შემდეგ.
3,18	პრივილეგიებული მომხმარებლისთვის ობიექტზე უფლებების მინიჭებისას შესაძლებელია: · უფლების მინიჭება დროისა და თარიღის განსაზღვრით. · უფლების მინიჭება დროითი ინტერვალის განსაზღვრით (განსაზღვრულ დროში მრავალჯერადი დაკავშირების შესაძლებლობა) · ობიექტთან წვდომის მოთხოვნისას პასუხისმგებელი პირის მიერ კავშირზე თანხმობა/უარყოფა.
4. აუდიტის სისტემისთვის განკუთვნილი *ოთხოვნები (ჟურნალი, ვიდეო ჩანაწერები, ანგარიშგებები)	
4,1	აუდიტის პროცესის ორგანიზება. პრივილეგიებული მომხმარებლების აუდიტის არქივი უნდა ხორციელდებოდეს უფლებამოსილი თანამშრომლის სამუშაო ადგილდან სისტემის ვებ ინტერფეისის საშუალებით, ასევე შესაძლებელია პრივილეგიებული მომხმარებლის რეგისტრირებული აქტივობების ფაილის ნახვა. გათვალისწინებულია ძებნა შემდეგი კრიტერიუმებით: პრივილეგიებული მომხმარებლის სახელით, მომხმარებლის ან ქსელური მოწყობილობის ობიექტის სახელით, სესიის დაწყების და დასრულების დროის მიხედვით.
4,2	საკუთარი აუდიტის ჟურნალის წარმოება, მონიტორინგის სისტემის გავლით მომუშავე ყველა ანგარიშისთვის.
4,3	აუდიტის ჟურნალში ინახება პრივილეგიებული მომხმარებლის იდენტიფიკაციისა და აუთენტიფიკაციის შესახებ ინფორმაცია.(სისტემაში იდენტიფიკაციის დროს და ობიექტზე აუთენტიფიკაციის დროს გამოყენებულ ანგარიშებს შორის კავშირი)
4,4	სისტემის აუდიტის ჟურნალში ისახება პრივილეგიებული მომხმარებლის მიერ განხორციელებული ყველა ქმედება.
4,5	სისტემის აუდიტის ჟურნალში ისახება პრივილეგიებული მომხმარებლის ბრძანებები ტექსტური პროტოკოლების გამოყენების დროს.
4,6	არცერთ პრივილეგიებულ მომხმარებელს არ აქვს აუდიტის ჟურნალის წაშლის შესაძლებლობა.
4,7	აუდიტის ჟურნალში ისახება ინფორმაცია პრივილეგიებული მომხმარებლის ვიდეო სესიის პარამეტრების შესახებ.
4,8	სრული ტექსტის ძიების შესაძლებლობა აუდიტის ჟურნალში. ქმედებათა დროის მიხედვით აღდგენის შესაძლებლობა სესიისთვის.
4,9	ვიდეოარქივში ძებნის უზრუნველყოფა. (თარიღი, დრო, მომხმარებელი, მართვადი ობიექტები).
4,10	აქტიურ/მიმდინარე სესიებში ბრძანებების ძებნა.
4,11	სესიის ჩამოწერა ვიდეო ფაილის სახით შემდგომში სანახავად.
4,12	ჩაწერილი სესიების დაცვა მოდიფიკაციისგან, მთლიანობის უზრუნველსაყოფად.
4,13	დაცული საცავიდან შეუძლებელია ფაილების წაშლა, ნებისმიერი მომხმარებლის მიერ 90 დღის განმავლობაში (ცვალებადი პარამეტრი).
4,14	სტატისტიკური რეპორტების გენერაციის შესაძლებლობა დამატებითი(გარე) სისტემის გამოყენების გარეშე.
4,15	დაცულ სისტემებთან მაკონტროლირებელი სისტემის გვერდის ავლით დაკავშირების მცდელობების გამოვლენა.

4,16	სისტემაში დაგროვებული სტატისტიკური ინფორმაციის ანალიზით ადმინისტრატორთა ნორმალური ქცევიდან გადახრის გამოვლენა და პასუხისმგებელ პირთათვის შეტყობინება.
4,17	ქცევითი ანალიზის მოდულის ორმხრივი ინტეგრაცია SIEM სისტემასთან. სისტემას აქვს შესაძლებლობა მიიღოს ინფორმაცია SIEM სისტემიდან და დაუბრუნოს SIEM სისტემას ანალიზის რეზულტატები.
4,18	პრივილეგიებული მომხმარებლის არასტანდარტული ქცევის ანალიზზე რეაგირებისთვის სისტემა იყენებს მანქანური სწავლების ალგორითმებს, რომლის მეშვეობითაც სისტემა სწავლობს პრივილეგიებული მომხმარებლის ქცევის ტიპიურ მოდელს.
4,19	მანქანური სწავლების ანალიზის დახმარებით სისტემა აღმოაჩენს პრივილეგიებული მომხმარებლის არასტანდარტული (ატეპიური) ქცევას, შეაფასებს მის სიმძიმის რისკს და აცნობებს სისტემის პასუხისმგებელ პირს.
4,20	სისტემას შეუძლია ქცევის ანალიზატორის მიერ აღმოჩენილი ანომალიური ქცევის SIEM გადაწყვეტილების სისტემაში გაგზავნა შემგდომი ანალიზისა და ანგარიშებისთვის.
5. საიმედოობის მოთხოვნები	
5,1	სისტემას აქვს შესაძლებლობა იმუშაოს გეოგრაფიულად დაშორებული მაღალმდგრადი კლასტერის რეჟიმში.
5,2	გეოგრაფიულად დაშორებულ კომპონენტების ცენტრალური მართვის შესაძლებლობა.
5,3	სისტემის მწყობრიდან გამოსვლის შემთხვევაში ანგარიშების პარამეტრების აღდგენის შესაძლებლობა.

„შემსყიდველი“:
სს „საქართველოს სახელმწიფო ელექტროსისტემა“

მმართველთა საბჭოს წევრი
დავით ვარდიაშვილი

„მიმწოდებელი“:
შპს „ორიენტ ლოჯიკ“;

დირექტორი
ვაჟა ნასყიდაშვილი

უსაფრთხოების წესები და პირობები:

**პრივილეგირებული მომხმარებლების მონიტორინგისა და კონტროლის სისტემის (PAM) (თანმდევრი მომსახურებით)
შესყიდვასთან და მიწოდებასთან დაკავშირებით
(მიწოდება: ქ. თბილისი, ბარათაშვილის ქუჩა N2 სს „სსე“-ს სათაო ოფისი)**

1. სამუშაოთა შემსრულებელმა საწარმომ სამუშაოები უნდა ჩაატაროს საქართველოს მოქმედი კანონმდებლობის და ასევე, შემდეგი ნორმატიული აქტების მოთხოვნების განუხრელი დაცვით: 1) საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“; 2) საქართველოს მთავრობის 2007 წლის 4 ივლისის N 134 დადგენილებით დამტკიცებული „ელექტრონული საკომუნიკაციო ქსელების სახაზო ნაგებობების დაცვის წესი და მათი დაცვის ზონები“; 3) საქართველოს ორგანული კანონი, შრომის უსაფრთხოების შესახებ.
2. ობიექტზე დაშვებისათვის და სამუშაოების ჩატარების მიზნით, სამუშაოთა შემსრულებელი საწარმო ვალდებულია, სამუშაოების დაწყებამდე არანაკლებ 10 (ათი) კალენდარული დღით ადრე სსე-ს წერილობით მიაწოდოს სამუშაოს უსაფრთხოდ ჩატარებაზე პასუხისმგებელ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (სამუშაოთა ხელმძღვანელი, სამუშაოთა მწარმოებელი, მეთვალყურე, ბრიგადის წევრი) მითითებით;
3. ხელშეკრულებით განსაზღვრული მომსახურების მწარმოებელი ორგანიზაცია ვალდებულია გააჩნდეს **შრომის უსაფრთხოების სერტიფიცირებული სპეციალისტი ქვეყანაში მოქმედი კანონის მიხედვით;**
4. მწარმოებელმა ორგანიზაციამ მომსახურების უსაფრთხოდ წარმოების წესის და პირობების საფუძველზე უნდა წარმოადგინოს მომსახურების წარმოებისათვის **რისკების შეფასება**, რომელიც ეფუძნება შრომის საერთაშორისო ორგანიზაციის მიერ აღიარებულ მეთოდოლოგიას და მოიცავს მომსახურების სივრცეში დაკავშირებული საფრთხეების იდენტიფიცირებას, ანალიზს, შეფასებასა და პრევენციული ღონისძიებების განსაზღვრას.
5. ობიექტზე დაშვებისას ყველა მივლინებულმა პირმა/მუშაკმა სავალდებულოდ თან უნდა იქონიოს პირადობის დამადასტურებელი დოკუმენტი (მოწმობა/პასპორტი);
6. მწარმოებელი ვალდებულია ახალი კორონავირუსით გამოწვეულ იფექციასთან **(COVID-19) დაკავშირებით დაიცვას ზოგადი რეკომენდაციები**; აწარმოოს პერსონალის ჯანმრთელობის კონტროლი, შესაბამისი ჟურნალში გაფორმებით. მათ შორის აკონტროლოს; დამცავი საშუალებებით აღჭურვა, სოციალური დისტანცირება, გადაადგილების წესები, პერსონალის ტემპერატურული სკრინინგი, ასაკობრივი დაავადებების რისკები;
7. მივლინებული საწარმოს მუშაკი ობიექტზე არ დაიშვება იმ შემთხვევაშიც, თუკი მისი პიროვნება (სახელი, გვარი და პირადი ნომერი) არ აღმოჩნდება ობიექტზე გადაცემულ სიაში;
8. დაშვებამდე, მივლინებულმა პირებმა ერთჯერადად უნდა გაიარონ შესავალი და პირველადი ინსტრუქტაჟები ჟურნალში გაფორმებით. აღნიშნული ინსტრუქტაჟები წარმოადგენს ადგილობრივ თავისებურებათა და გამოყოფილ უბანზე საშიში გარემოებების/ფაქტორების შესახებ ინფორმირებას;
9. მივლინებულ პირებისთვის სსე უზრუნველყოფს აუცილებლობის შემთხვევაში შენობაში არსებულ კომუნიკაციებთან (ელ-ენერგია, წყალი და ა.შ.) წვდომას.
10. მივლინებულმა პირებმა სამუშაოები უნდა აწარმოონ გამოყენებისათვის ვარგისი დამცავი სათვალის, ხელთათმანების და სხვა აუცილებელი დამცავი საშუალებების სავალდებულო გამოყენებით. აღნიშნული საშუალებები ობიექტზე დაშვებისას თან უნდა იქონიონ/მოიტანონ მივლინებული საწარმოს მუშაკებმა.
11. მივლინებული პირები შემოსილი უნდა იყვნენ შესაბამისი სამუშაო სპეცტანსაცმლით და ფეხსაცმლით, ხოლო სამუშაოები უნდა აწარმოონ აუცილებელი ინდივიდუალური დამცავი საშუალებების სავალდებულო გამოყენებით (დამცავი ჩაფხუტი, სათვალე, ხელთათმანები და სხვა). აღნიშნული საშუალებები ობიექტზე დაშვებისას თან უნდა იქონიონ (მოიტანონ).
12. მივლინებულ პირებს, სსე-ს ობიექტების ტერიტორიაზე მკაცრად ეკრძალებათ ნებისმიერი ზომისა და სახეობის ცივი, ცეცხლსასროლი, გაზის, პნევმატური, სათამაშო/სასწავლო და სხვა სახის იარაღის, საბრძოლო მასალების (მათ შორის, სასწავლო/სათამაშო ნიმუშების), ნებისმიერი სახეობისა და რაოდენობის ასაფეთქებელი, მომწამვლელი ან/და ადამიანებისა და გარემოსათვის საშიში სხვა ნივთიერებების, აგრეთვე, ნარკოტიკული/ფსიქოტროპული საშუალებების და ალკოჰოლური სასმელების შეტანა;
13. აკრძალულია, სსე-ს ობიექტებზე გამოცხადება ნასვამ (ალკოჰოლური ზემოქმედების) მდგომარეობაში, ფსიქოტროპული ან/და ნარკოტიკული ნივთიერებების ზემოქმედების ქვეშ. ნებისმიერი ზემოთ აღნიშნული მოთხოვნიდან ერთ-ერთის დარღვევის გამოვლენის შემთხვევაში მივლინებული მუშაკი არ დაიშვება ობიექტზე, ხოლო პასუხისმგებელ პირებს დაეკისრებათ შესაბამისი სამართლებრივი პასუხისმგებლობა;
14. ობიექტზე დაშვებული ყველა მივლინებული პირი ფიზიკური/ფსიქიკური მონაცემებით უნდა შეესაბამებოდეს მათ მიერ შესასრულებელ სამუშაოს, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;
15. ობიექტზე დაშვებას განწესის მიხედვით ასრულებს სსე-ს წარმომადგენელი (დამშვები), მოქმედი წესების შესაბამისად;

16. მასალები უნდა დასაწყობდეს რეგიონალური ქსელის და ობიექტის ხელმძღვანელობის მიერ წინასწარ გამოყოფილ ადგილზე;
17. მივლინებულ პირებს ეკრძალებათ ობიექტზე ნებისმიერი სახის (ღია, დახურულ ან/და კომპლექტურ) ელექტრო გამანაწილებელ მოწყობილობებში შესვლა, ასევე სხვა საწარმოო სათავსოებში თუ ტერიტორიაზე მოძრაობა (გარდა უშუალოდ მათთვის გამოყოფილი სამუშაო და სამოდრო ადგილისა), დათვალიერება ან რაიმე სამუშაოების ჩატარება;
18. მივლინებულმა პირებმა მომსახურების გაწევის ადგილზე უნდა უზრუნველყონ საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა. მომსახურების გაწევის დროს აკრძალულია ფეთქებადი და ადვილად აალებადი ნივთიერებების გამოყენება. მომსახურების გაწევისას მიღებული და დაცული უნდა იყოს აფეთქება და ხანძარსაწინააღმდეგო ზომები. მივლინებულ პირებს ობიექტის ტერიტორიაზე ეკრძალებათ თამბაქოს მოწევა, გარდა სპეციალურად საამისოდ გამოყოფილი ადგილებისა;
19. სამუშაო ადგილზე/გამოყოფილ უბანზე უსაფრთხოების ტექნიკის და სახანძრო უსაფრთხოების წესების დაცვაზე, მივლინებული მუშაკების უსაფრთხოდ მუშაობაზე და მათი კვალიფიკაციის შესაბამისობაზე ჩასატარებელი სამუშაოს სპეციფიკასთან, სრული პასუხისმგებლობა ეკისრება მიმავლინებულ საწარმოს. ამასთან, მივლინებული პირები ვალდებული არიან მკაცრად დაიცვან სამუშაო ადგილებზე არსებული მოწყობილობა-დანადგარების, აპარატურის, კომპიუტერული და სხვა აღჭურვილობის მუშაობის დადგენილი რეჟიმები და თავიანთი ქმედებებით არ გამოიწვიონ რაიმე შეფერხებები;
20. სამუშაოების წარმოებისას აკრძალულია ძირითადი და საევაკუაციო გზების სხვადასხვა მასალით, ნაკეთობებით, მოწყობილობებით, ნარჩენით და სხვა საგნებით ჩახერგვა. ნარჩენების გატანა უნდა განხორციელდეს ყოველდღიურად და არ მოხდეს მათი დაგროვება ობიექტზე;
21. სამუშაო დღის განმავლობაში შესვენების დროს (შესვენება სადილზე, მუშაობის პირობებით გამოწვეული შესვენება და სხვა) ბრიგადა გამოყვანილი უნდა იქნას სამუშაო ადგილიდან. ბრიგადის წევრებს შესვენების შემდეგ უფლება არა აქვთ სამუშაოს მწარმოებლის (მეთვალყურის) გარეშე დაბრუნდნენ სამუშაო ადგილზე. შესვენების შემდეგ დაშვებას ახორციელებს სამუშაოს მწარმოებელი (მეთვალყურე) განწესში გაუფორმებლად.
22. მომსახურების სრულად დამთავრების შემდეგ სამუშაოთა მწარმოებელმა უნდა გაიყვანოს ბრიგადა მომსახურების გაწევის ადგილიდან, ტერიტორია მოაწესრიგოს, მოხსნას მხოლოდ ბრიგადის მიერ დაყენებული დროებითი შემოღობვები და უსაფრთხოების გადასატანი პლაკატები. და აცნობოს სსე-ს მხრიდან გამოყოფილ შესაბამის პერსონალს.
23. წინამდებარე „სამუშაოთა უსაფრთხოდ წარმოების წესი და პირობები“ ძალაშია სსე-ს და სამუშაოთა შემსრულებელ საწარმოს შორის დადებული შესაბამისი ხელშეკრულების მოქმედების ვადით.

„შემსყიდველი“:

სს „საქართველოს სახელმწიფო ელექტროსისტემა“

მმართველთა საბჭოს წევრი
დავით ვარდიშვილი

„მიმწოდებელი“:

შპს „ორიენტ ლოჯიკ“;

დირექტორი
ვაჟა ნასყიდაშვილი

საბანკო გარანტია #131508
(ხელშეკრულების შესრულების)

10 მარტი, 2021 წელი

პრინციპალი

შპს „ორიენტ ლოჯიკი“ (მისამართი: ქ. თბილისი, ვ.გომიშვილის ქ. N71. ს/კ 202052054)

ბენეფიციარი

სს „საქართველოს სახელმწიფო ელექტროსისტემა“ (მისამართი: ქ. თბილისი, ნ.ბარათაშვილის ქ. N2 ს/კ 204995176)

გარანტი

სს „ბაზისბანკი“ (მისამართი: ქ. თბილისი, ქ. წამებულის გამზირი N1. ს/კ 203841833)

საგარანტო თანხის
ზღვრული მოცულობა
გარანტიის გაცემის
საფუძველი:

1,888 (ერთი ათას ოთხმოცდარვა) აშშ დოლარი.

გარანტიით
უზრუნველყოფილი:
ვალდებულება

2020 წლის 11 დეკემბერს გამოცხადებული SPA200003168 ლექტრონული ტენდერი აუქციონის გარეშე, პრინციპალის მიერ წარდგენილი სატენდერო წინადადება, რომლის საფუძველზეც იგი ვალდებულია წარადგინოს საბანკო გარანტია, ტენდერში გამარჯვების შედეგად გასაფორმებელი ხელშეკრულების (შემდგომში „კონტრაქტი“) უზრუნველსაყოფად.

წინამდებარე საბანკო გარანტია უზრუნველყოფს პრინციპალის მიერ კონტრაქტით ნაკისრი ვალდებულებების შესრულებას.

გარანტი, გარანტსა და პრინციპალს შორის 2021 წლის 10 მარტს გაფორმებული საბანკო გარანტიის #2021-03-10/0016/LG/006041/180 ხელშეკრულების საფუძველზე, პრინციპალის მიერ ზემოთ მითითებული ვალდებულებების ჯეროვნად შესრულების უზრუნველყოფის მიზნით, ბენეფიციარის წინაშე კისრულობს უპირობო და გამოუთხოვად ვალდებულებას, ყოველგვარი უარყოფისა და გასაჩივრების უფლების გარეშე ბენეფიციარის პირველივე წერილობითი მოთხოვნისთანავე, მოთხოვნის მიღების დღიდან 5 (ხუთი) საბანკო დღის ვადაში, გადაუხადოს ბენეფიციარს ფულადი თანხა საგარანტო თანხის ფარგლებში.

საგარანტო თანხის
მოთხოვნა

გარანტის მიერ საგარანტო თანხის გადახდა განხორციელდება იმ შემთხვევაში, თუ პრინციპალის მიერ არ შესრულდა წინამდებარე საბანკო გარანტიით უზრუნველყოფილი ვალდებულება/ვალდებულებები.

ბენეფიციარის წერილობითი მოთხოვნაში საგარანტო თანხის ანაზღაურების შესახებ მითითებული უნდა იყოს მოთხოვნილი თანხა და ის თუ რაში გამოიხატა პრინციპალის მიერ იმ ვალდებულებების დარღვევა, რომლის უზრუნველსაყოფად გაიცა წინამდებარე საგარანტო წერილი, ბენეფიციარის მხრიდან პრინციპალის მიერ ვალდებულების დარღვევის ფაქტის მტკიცებისა და მოთხოვნილი თანხის მოცულობის დასაბუთების გარეშე. მოთხოვნას თან უნდა ერთვის წინამდებარე საბანკო გარანტიის ასლი.

ბენეფიციარის წერილობითი მოთხოვნა საგარანტო თანხის გადახდაზე გარანტს უნდა წარედგინოს ზემოთ მითითებულ მისამართზე, წინამდებარე საგარანტო წერილის მოქმედების ვადის ამოწურვამდე, თბილისის დროით 18:00 საათამდე.

გარანტიის ძალაში
შესვლა და მოქმედების
ვადა

წინამდებარე გარანტია ძალაში შედის 2021 წლის 10 მარტიდან და მოქმედებს 2021 წლის 02 აგვისტოს ჩათვლით, თუ კი გარანტიის მოქმედების ვადა მანამდე არ შეწყდა ამავე საბანკო გარანტიის წერილში მითითებული რომელიმე პირობის გამო.

გარანტიის მოქმედების
შეწყვეტა:


- გარანტიის მოქმედება წყდება ერთ-ერთ ქვემოთ აღნიშნულ შემთხვევაში:
- იმ ვადის გასვლა, რა ვადითაც არის იგი გაცემული;
- პრინციპალის მიერ გარანტით უზრუნველყოფილი ვალდებულების სრულად შესრულება;
- გარანტის მიერ გარანტიის თანხის გადახდა;
- ბენეფიციარის მიერ თავის უფლებებზე უარის წერილობით განცხადება ან საგარანტო წერილის ორიგინალის უკან დაბრუნება;

საბანკო გარანტიის თაობაზე წამოჭრილი ყველა დავა და უთანხმოება გადაწყდება მოლაპარაკების გზით, ხოლო შეთანხმების მიუღწევლობის შემთხვევაში, მხარეთა შორის დავას განიხილავს ქ. თბილისის საქალაქო სასამართლო საქართველოს მოქმედი კანონმდებლობის შესაბამისად.

პატივისცემით,

გიორგი გაბუნია
კომერციული დირექტორი

ანა გოგოლაძე
დოკუმენტური ოპერაციების და ფაქტორინგის მენეჯერი



ბენეფიციარს შეუძლია გადაამოწმოს საბანკო გარანტიის სარწმუნოება სს „ბაზისბანკის“ ინტერნეტ გვერდზე <https://guarantee.doc.basisbank.ge>